




ԵԹՈՎՊԱԿԱՆ ՈՒՂՂԱՓԱՌԻ ԵԿԵՂԵՑՈՒ ՆՈՐ ՊԱՏՐԻԱՐԷԻ
ԳԱՀԱԿԱԼՈՒԹՅԱՆ ՀԱՆԴԻՍՈՒԹՅՈՒՆՆԵՐԸ ԱԴԻՍ
ԱԲԵԲԱՅՈՒՄ

Նորին Սուրբ Օծություն S. S. Վազգեն Ա Ամենայն Հայոց կաթողիկոսի կարգադրությամբ սույն թվականի սեպտեմբերի 2-ին Ադիս Աբեբա մեկնեց գերաշնորհ S. Դավիթ եպիսկոպոս Սահակյանը (Ֆրանսիա)՝ մասնակցելու Եթովպական Ուղղափառ Եկեղեցու նոր Պատրիարքի գահակալության հանդիսություններին:

Նախապես որոշվել էր, որ գահակալության հանդիսություններին մասնակցի Եգիպտոսի հայոց թեմի առաջնորդ գերաշնորհ S. Զավեն արքեպիսկոպոս Չինչիյանը, սակայն իր առողջական վիճակի պատճառով սրբազան հայրը չկարողացավ մասնակցել:

Սեպտեմբերի 4-ին, կիրակի օրը, Ադիս Աբեբայի Ա. Երրորդություն Մայր տաճարը և շրջափակը առավոտից լեփ-լեցուն էր հավատացյալների բազմությամբ:

Կատարվեց առավոտյան ծամերգություն: Այնուհետև ս. պատարագ մատուցեց Եթովպական Ուղղափառ Եկեղեցու նորընտիր գահակալը՝ Նորին Սրբություն Մերկորեվոս Պատրիարքը:

Ա. պատարագից անմիջապես հետո տեղի ունեցավ գահակալության արարողությունը, որին ներկա էին Հռոմեական Կաթողիկ, Ալեքսանդրիայի Հույն Ուղղափառ, Ռուս Պրավոսլավ, Հնդիկ Մալաբար, Անգլիկան, Լատինական և Հայաստանյայց Առաքելական Եկեղեցիների, ինչպես նաև Եկեղեցիների Համաշխարհային Խորհրդի ներկայացուցիչներ: Գահակալության հանդիսություններին հրավիրվել էին նաև պետական ներկայացուցիչներ և դեսպաններ:

Հայ և Հնդիկ Մալաբար Եկեղեցիների ներկայացուցիչները, Եթովպական Ուղղափառ Եկեղեցու արքեպիսկոպոսների հետ, գործնականորեն մասնակցեցին Եթովպիայի նորընտիր Պատրիարքին գավազանի և խաչի հանձնման հանդիսավոր արարողությանը: S. Դավիթ սրբազանը հայերեն լեզվով արտասանեց «Որ օրհնես զայնոսիկ» մաղթերգը:

Այնուհետև Հայ Եկեղեցու ներկայացուցիչ սրբազանը ֆրանսերեն լեզվով շնորհավորանքի և բարեմաղթությունների խոսք ասաց՝ ուղղված Եթովպական Ուղղափառ Եկեղեցուն և անձամբ Նորին Սրբություն Մերկորեվոս Պատրիարքին: Սրբազան հայրը իր խոսքում հատկապես շեշտեց.

«Հանուն Հայաստանյայց Եկեղեցվո ընդհանրական պետին՝ Նորին Սուրբ Օծություն S. S. Վազգեն Ա Ծայրագույն Պատրիարք և կաթողիկոսին Ամենայն Հայոց, կներկայացնեմ ջերմ շնորհավորություններ Ձերո Սրբության, մաղթելով Ձեզի երթանկություն, բարօրություն և առողջություն՝

աղոթելով Ձերդ Սրբության աստվածահաճո գործոց հաջողության, Տիրոջ փառքի ծառայության, ձեր հայրենիքի ծաղկման և ժողովուրդի հառաջդիմության համար»։
 | Հավարտ գահակալության հանդիսությունների տեղի ունեցավ սիրու ճաշկերույթ, որտեղ նույնպես հնչեցին անկեղծ շնորհավորանքի և բարեմաղթությունների խոսքեր։

Հաջորդ օրերին գերաշնորհ Ս. Դավիթ եպս. Սահակյանը հանդիպումներ ունեցավ եթովպական գաղութի անդամների հետ։ Տարբեր օրերին նա սուրբ պատարագներ մատուցեց և ժամերգություններ կատարեց տեղի հայոց Ա. Գևորգ եկեղեցում՝ ամեն

անգամ նշելով Նորին Սուրբ Օծություն Ս. Ս. Վազգեն Ա Ամենայն Հայոց կաթողիկոսի ծննդյան 80 և գահակալության 33-ամյակները՝ անկեղծ և որդիական բարեմաղթություններ ուղղելով Նորին Սրբության հասցեին։

Ս. Դավիթ սրբազանը Ադիս Աբեբայում կմնա մինչև սեպտեմբերի 18-ը, որից հետո կմեկնի Կաֆիրե՝ հրավերով Եգիպտոսի հայոց թեմի թեմակալ առաջնորդ գերաշնորհ Ս. Զավեն եպս. Չինչիենյանի և կարգադրությամբ Ամենայն Հայոց Վեհափառ Հայրապետի։

ԹՂԹԱԿԻՑ

